

des von dem gerichte ane vahre sin / ubir denselbin diep  
sullen das dorffschaffte uff des dorffis gelt richten lassen  
Item auch sal ein iglicher nackebuer rechte masse habin als  
von scheffiln vierteiln ader anderley mass wie nott ist vnd  
hinder wen man das anders funde mass die vngerecht weren  
der sulde das verwandeln vns vnd deme gerichte Auch welch  
man hussgenossen hette der sal sie halden vns vnd vnssm  
dorffe vnschedelichin an siner gerechtickeit Item wellich man  
auch von Herbisleiben zcōge ader zcihen wurde hette ader  
gewūne der dann icht sache mit keyme der nachkegebuer  
derselbe sal solliche sache nyrgent anders fordern dann vor  
vnserm gerichte / were auch ab ymand usswirdiger guter ge-  
rade ader varnde habe doselbs zu Herbisleiben uff erstorbe  
das sal man ouch nyrgent anders fordern dann doselbs zu  
Herbisleiben vor gerichte Auch sal kein man ader wip doselbs  
solche guter doselbs gelegin die mit yn wachen vnd geschossen  
nicht bescheiden nach vergebin kirchen klostern klusen ader  
geistlichen luten davon vnser vnd vnser dorffis gerechtickeit  
muchte abegehn ader gemynnert werde Sundrn ein iglicher  
mag sin gut verkouffen vnd das gelt davon bescheiden ader  
vergebin nach siner andacht wo er das von rechtis wegin  
gethun mag ane geuerde Item was auch ein heymburge ge-  
butit zu thune ader zu lassen by der Busse vnd wer die ver-  
fellit dieselbin busse sullen die heymburgen fordrn dorumb  
pfenden vnd die busse gestrengelichen nemen noch alder ge-  
wonheit des dorffis vnd wellicher heymburge der nicht enfor-  
derte derselbe heymburge mit sinen kumppann sullen dieselbin  
busse selbs gebin vnd wann man auch zu den nachkebuern  
die glocke lutet wellicher dann zu dem dritten male des lutens  
nicht komet von deme sal man des dorffis busse vnd gewonheit  
auch nemen vnd sal doran nymands verschonen ane geuerde /  
vnd wann man busse vnd wandel Innymmet ader ingenōmen  
had das sal man nicht vertrincken Sundern das an vnser  
dorffis nutz vnd fromen keren vnd wenden vnd nyrgent and's  
auch ane geuerde / Auch sal yrer iglicher vnser vnser landes  
vnd vnser dorffis doselbs schaden In dorffe vnd in felde